

Hermann Lembke

Programma Quo Rector Universitatis Rostochiensis Hermannus Lembke/ I.U.D. & Cod. Prof. Ad Exequias, Quas Suavißimo puerulo, filiolo dilectißimo Ernesto Theodorico Willebrand/ Parentes moestissimi. Hodie ... paratas cupiunt; Omnes & Singulos Academiae Cives ... invitat

Rostochii: Kilius, 1655

<http://purl.uni-rostock.de/rosdok/ppn777133172>

Druck Freier  Zugang



PROGRAMMA
QVO
RECTOR
Universitatis Rostochiensis
HERMANNUS Lembke/
J. U. D. & Cod. Prof.

Ad
EXEQUIAS,
Quas

Suavisimo puerulo, filiolo dilectissimo

ERNESTO THEO-
DORICO Willebrand/
Parentes moestissimi.

*Hodie ad horam 1. pomerid. paratas
capimus;*

Omnes & Singulos Academiae Cives sedulo
& amanter invitat.



ROSTOCHII,
Typis Heredum NICOLAI KILII, Acad. Typogr.
ANNO M. DC. LV.

9.
LB. FP Willebrand, Ernst 1655



Um plura alia Gentilium monumentis reperire est, usibus nostris apprimè servientia; cum verò præclara potissimum sunt illa, quæ de contemnendâ non saltim, sed & appetendâ, maximâq; animi promptitudine subeundâ morte scriptitavere. Non ita est pridem, quum nonnulla indè in hanc rem excerpemus. Nunc, hodierni funeris occasione, in proposito pergere, atq; telam quodammodò pertexere volupe est. Mortem, testatur *Cicero Orat. in Luc. Catil.* à Diis immortalibus non esse supplicii causâ constitutam, sed aut necessitatem Naturæ, aut laborum & miseriarum quietem. Itaq; Sapientes nunquam eam invitos, Fortes etiam sæpè libenter oppetivisse. Inquietam nobis vitam facimus (verba sunt *Seneca Epist. 24.*) metu mortis; & tanta est hominum dementia, ut quidam timore mortis cogantur ad mortem: Firmandi sumus, ne nimis amemus vitam, & nimis oderimus mortem: &, quum ratio svadet, finire, sed non timere; Vir fortis & strenuus non fugere debet

104

ANNO M. DC. LV.

debet de vitâ, sed exire. *Sallust. in Catilinar.* mortem requiem ærumnarum in luctu & miseriis, non cruciatum ducit. Cordatum planè responsum est, quod *Critoni Amico Socratem* reposuisse, memoriæ proditum est: Enimverò summopere svadenti illi, petentiq; ut, si vitam ipse suam negligeret, saltem Liberis, etiamnum parvulis, & Amicis ab ipso pendentibus, servaret sese incolumen; Liberi, regerebat *Philosophus*, DEO, qui mihi eos dedit, curæ erunt; Amicos hinc discedens inveniam, aut vobis similes, aut etiam meliores; quin ne vestrâ quidem consuetudine diu cariturus, quandoquidem brevi eodem ipsi etiam estis commigraturi. Nemo evitare poterit, omnibus quod tranandum est æquor; nihilq; miremur eorum (*Senecam* denuò citamus) ad quæ nati sumus, quæ ideò nulli querenda, quia paria sunt omnibus; Ita dico: paria sunt; nam etiam quod effugit aliquis, pati potuit. Æquum autem est, non quo omnes usi sunt, sed quod omnibus latum est. Imperet æquitas animo, & sine querelâ mortalitatis tributa pendamus. Hyems frigora adducit, algendum est; æstas calores refert, æstuandum est; intemperies cœli valetudinem tentat, ægrotandum est; & fera nobis loco occurret, & homo perniciosior feris omnibus; alium aqua, alium ignis eripiet Hanc rerum

conditionem mutare non possumus; id possu-
mus, magnum sumere animum, & viro dignum,
qvo fortiter fortuita patiamur, & naturæ con-
sentiamus. Natura autem hoc, qvòd hîc vides,
regnum, mutationibus temperat; nubilo serena
succedunt; turbantur maria, conquieverunt:
flant invicem venti; noctem dies sequitur; pars
cœli confurgit, pars mergitur, contrariis rebus
æternitas constat. Ad hanc autem legem ani-
mus noster aptandus est, hanc sequatur, huic
pareat, & quæcunq; fiunt, debuisse fieri putet;
nec velit objurgare naturam; optimum est pa-
ti, qvòd emendare non possis, & DEUM, qvo
authore cuncta eveniunt, sine murmure comi-
tari: malus miles est, qvi Imperatorem suum
gemens sequitur. Hæc & ejus generis plura alia,
quæ addere super sedemus, ex Philosophiâ ac lu-
ce naturæ deprompta sunt; quæ nos certè, qvi
Christiani, & sacras literas docti sumus, rectius
longè intelligimus, scimusq; ex fœdere antiquo
mortem omnibus nobis deberi, adeoq; eam
non fugiendam, ut potiùs eò nobiscum præclari-
ùs agi existimemus, qvò citius procellosû & tem-
pestuosum hoc mortalitatis mare emensi, per
mortem naturalem in æternum felicitatis &
tranquillitatis portum deferamur. Ὁν θεοὶ φιλοῦσι,
ἀπειθήσοις τίϞ. Juvenis moritur, qvem amat DE-
US; citare antehac in eodem negotio ex Me-
nandro

nandro meminimus, & hic repetimus. Gra-
tulabimur igitur potius ERNESTO THE-
ODORICO WILLEBRANDO, quam
dolebimus, adeò cirò, & quinque saltim die-
rum infantulum, mortalium cæcibus, sivè ma-
ligno potius mundo, ereptum esse. Natus est
Patre, viro *Consultissimo & Excellentissimo* Dn.
ALBERTO Willebrandt / J. U. D. & Advocato
clarissimo; Matre, *lectissima*, & virtutibus sexum
suum decorantibus, eminentissimâ, ELISABE-
THA COTHMANNIA. Avum paternum,
habuit virum *Amplissimum, & Excellentissimum*
Dn. NICOLAUM Willebrandt / Phil. & J. U.
D. Professore hujus Universit. & Practicum
celeberrimum. Aviam paternam, Matronam
honoratissimam, pariterq; sexus sui virtutibus
maximè illustrem, CATHARINAM Heins;
Magnifici & Amplissimi viri, Dn. FRIDERICI
Heins / Icti, Sereniss. Meklenb. Princip. Consi-
liarii, Academiae hujus Professoris, ac tandem
Consulis ac Syndici apud nos præclarissimè me-
riti, filiam. Avus maternus est Vir *Magnificus,*
Nobilissimus & Amplissimus Dn. JOHAN. COTH-
MANNUS, Ictus celeberrimus; Sacri Late-
ran. palatii, aulaeque Caesariae, & Imperialis con-
sistorii comite; *Illustriss. ac Celsiss.* Princip. Meck-
lenb. ultra trigintaquinque annos Consiliarius, &

Cancellarius' gravissimus. Avia materna fuit
foemina elegantissima, sed ipso flore ætatis de-
nata, MAGDALENA Krügers; Viri *Spectabi-*
lis ac Prudentissimi Dn. ULDARICI Krü-
gers / Consulis apud Gustrovienses, fide ac in-
dustria conspicui, filia, Proavus paternus exitit
Vir *Reverendus* Dn. PETRUS Willebrandt / Pa-
stor apud Gorloviensis, per plures annos, fidelis-
simus. Proavia paterna, SOPHIA, insignis
quondam, & accuratissimi, nec minùs cele-
bris Theologi, Dn. ALBERTI GRAWE-
RI, amita, Proavum maternum habuit Virum,
Amplissimum, THEODORICUM COTH-
MANNUM, Reipub. *Lemgoviensis* spectatæ
virtutis ac integritatis consulem; omnibus bonis
commendatissimum; cujus majores patriciâ &
consulari dignitate à trecentis annis florentes ac
honorati fuere. Proaviam paternam, matronam
piam, probam, castam, & nulli non amatam,
AGNETAM von der Lippen; Dn. BERN-
HARDI von der Lippen / Comitit à Lippa Can-
cellarii præcellentissimi, filiam. Tantis ER-
NESTUS THEODORICUS noster origi-
nem debet majoribus; quorum vestigiis ipse
etiam procul omni dubio incessurus erat, si vi-
tam concessisset Divina benignitas. Sed ostende-
runt saltim terris bellissimum fata infantulum,
citoq;

192
citoq; ipse, undè venerat, rediit: quippe 21. hu-
jus ipsius Maji, circa mediam undecimam ve-
spertinam, natus, ac sequenti die per sacrum
Baptismatis lavacrum regeneratus, mox 26. ejusd.
mensis circa primam pomerid. vitam cum mor-
te, vel, si mavis, mortem cum vitâ permutavit.
Quæ quidem festinatissima prolis vestræ mors
adeò vobis, Parentes, mala non videbitur, ut
potiùs in primis felicitatum gradibus (quod jam
supra etiam quodammodò innuebamus) nume-
râre habeatis. Ecquid enim non gaudebitis, trans-
latum ad ea loca esse Filiolum, ubi paternas avi-
tasq; virtutes omnes, quas hîc quidem etiam in
terris æmulaturus erat, sed non æmulaturus ta-
men sine labore, ac difficultatibus; ubi, inquam,
universas istas & singulas vel momento sineq;
molestiis expressurus non saltim, sed & supera-
turus sit? Ecquid non gratulabimini vobis, in
eam vitam traductam esse eximiam animulam,
ubi (cum *Augustino* jam loquemur) gaudium est
infinite, læticia sine tristitiâ, salus sine dolo-
re, via sine labore, lux sine tenebris, vita
sine morte, omne bonum sine omni malo; ubi
juventus nunquam senescit, ubi vita terminum
nescit, ubi decor nunquam pallefcit, ubi amor
nunquam torpescit, ubi sanitas nunquam mar-
cescit,

cescit, ubi gaudium nunquam decrescit, ubi do-
lor nunquam sentitur, ubi gemitus nunquam
auditur, ubi triste nihil videtur, ubi læticia sem-
per habetur, ubi malum nullum timetur, quo-
niam ibi summum bonum possidetur, quod est
videre semper faciem DOMINI VIRTU-
TUM, Nos contestando dolori, ac ostenden-
dæ benivolentiæ, quæ nostris officii fuerint, mi-
nimè negligemus; sed frequentes (nihil enim
jam aliud possumus) primario & clarissimo fune-
ri exequias ibimus. Uti ergò cum in finem,
quotquot Fori sunt nostri, hodie horâ 1. pomeri-
d. in templo Jacob. conveniant, efferendum
infantulum non in ipsius saltem, sed & universa
nobiliss. prosapiae honorem, parentum fortè
etiam aliquale solatium, comitentur, studiosè
ac peramanter contendo P. P. sub Sigillo

Rektoratus, Anno 1655, die ultimo

Maji,



nandro meminimus, & hic repe-
tulabimur igitur potius ERNE-
ODORICO WILLEBRAN-
dolebimus, adeò cirò, & quinqu-
rum infantulum, mortalium cæci-
ligno potius mundo, ereptum est
Patre, viro *Consultissimo & Exce-*
ALBERTO Willebrandt / J. U. D.
clarissimo; Matre, *lectissima*, & viro
suum decorantibus, eminentissimâ
THA COTHMANNIA, Avu-
habuit virum *Amplissimum*, & Es-
Dn. NICOLAUM Willebrandt
D. Professorem hujus Universit. &
celeberrimum. Aviani paternam
honoratissimam, pariterq; sexus
maximè illustrem, CATHARINAM
Magnifici & Amplissimi viri, Dn.
Heins, Icti, Sereniss. Meklenb. Pa-
liarii, Academiæ hujus Professoris.
Consulis ac Syndici apud nos præ-
riti, filiam. Avus maternus est Vi-
Nobilissimus & Amplissimus Dn. JOH-
MANNUS, Ictus celeberrimus
ran. palatii, aulaeq; Cæsariæ, & Im-
pætorii comites; *Illustriss. ac Celsiss.* Præ-
lenb. ultra trigintaquinq; annos C

A 3



the scale towards document

Image Engineering Scan Reference Chart TE263 Serial No.